



Universitätsbibliothek Paderborn

**R. P. F. Ioannis Nider Ordinis Prædicatorum Theologi De
Reformatione Religiosorvm Libri Tres**

Nider, Johannes

Antverpiæ, 1611

X. Procedit ad præparatoria reformationis: & sunt septem, quæ ante reformationis introductionem disponi debent. Primum est, vt viri habeantur pro loco idonei, qui maneant; & illud declarat per ...

[urn:nbn:de:hbz:466:1-45728](#)

protinus in ambitionē mens anhelat. Alius luxuriaz tabe polluitur, & longā iam consuetudine captus tenetur; quanta autem castitatis sit munditia conspicit, ac carne vinci turpe deprehendit, restringere ergo voluptatum fluxa deliberat, & reluctare consuetudini quasi totis viribus se parat: sed vel objectā oculis specie, vel ad memoriam reducā, cùm subitā tentatione concutitur, protinus à pristinā præparatione dissipatur.

C A P V T . X.

Procedit ad præparatoria reformationis: & sunt septem, quæ ante reformationis introductionem disponi debent. Primum est, ut viri habeantur pro loco idonei, qui mancant; & illud declarat per naturalia, artificialia, & per dicta theologica.

DIC TVM est hactenus de reformationis formâ principaliter: nunc respondendum ad secundum minus principale, dicendum scilicet erit, quomodo reformationis debeamus actus disponere. vnde dicendum est nunc de præparatoriis ipsius reformationis. Vbisciendum, quod ad reformationem, vt ad particularia descendamus alicuius monasterij, septem sunt præparatoria satis necessaria, vt plurimū. Primum est, ut viri habean-

habeantur permanendo in loco idonei; secundum, vt reformatores sint negotio congrui; tertium, vt consensus habeatur Clericorum aliquorum, & Episcopi; quartum est, vt potestas procuretur & vigor secularis brachij; quintum, vt prouideatur pro posse in loco, humano victui; sextum, vt in uoluntariis s̄pē seminetur verbum Dei; septimum, vt in puniendo, humano non parcatur excessu.

Primò, inquam, exigitur, vt personæ habeantur pro loco idoneæ. Docet hoc naturalis industria, artificiosa structura, & sacræ ^{*vegetabi-} Scripturæ historia. Videmus enim in ^{*vegetabilibus} vim seminatiuam, primò omnium totam suam pænè virtutem ad radicis robur in dilatationem extendere, quia ex eâ, tamquam ex fundamento, stipes, rami, folia, flores, & fructus postmodū valent eo efficaciùs produci. Sic etiam cor, cerebrum, & membra principalia in animalibus primò natura producit, è quibus in anteā omnia corporis lineamenta cudit. In artificiosa etiam structurâ architectus primò lapides solidiores & maiores locat, super quibus deinceps firmius ædificium ædificat. Sic si pictor primò in tabulâ fundamentum efficax ponit, eidem stabiliorem postmodum imaginem singit. Sic etiam si pontipedes & susten-

sustentacula solida artifex tritus supponit,
 firmius deinceps aquæ decursui resistit, &
 iter tutius transituris ministrat. Hinc in sacrâ
 similiter Scripturâ crebrò reperimus, quod
 fundamenta domorum diuinarum de fun-
 damentis optimis erant solidata; quæ do-
 mus, Religiosorum præfigurabant vitam: Exo. 26. 17
 nam tabulæ, super quibus incumbebat ta-
 bernaculum, à Moysè, Deo ædificatū, erant
 de lignis sethim, quæ sunt imputribilia, &
 incombusibilia, earumque tabularum ba-
 ses erant argenteæ. In atrio etiam eiusdem Ibid. 27.
 tabernaculi, quod atrium circumdabat ta-
 bernaculum, fuerunt columnæ sexaginta
 fulcientes téctoria atrij de byfso retortâ: qua-
 rum columnarum bases omnes erât de ære,
 seu æneæ. & columnæ erant æneæ, sed ca-
 pita earum cum celaturis argentea. Sic Salo-
 mon pro fundamento templi fecisse legitur.
 vnde 3. Reg. 5. Praecepitq; Rex, ut tollerent ; Reg. 5. 7.
lapides grandes, lapides pretiosos in funda-
mentum templi, & quadrarent eos. Sic in
 eodem templo pavimentum domus texit
 auro intrinsecus. 3. Reg. 6. Stravit quoque Ibid. 6. 30.
pavimentum templi pretiosissimo marmore,
decore multo. 2. Paral. 3. Sic in porticu tem- 2. Par. 3. 6.
pli duas columnas posuit fusiles cubitorum
in altitudine octoginta miræ pulchritudi-
nis. 3. Reg. 7. Et, ut ibid. dicitur, fecit mare ; Reg. 7.
fusile

fusile stans super boues fusiles duodecim. Per quæ omnia significatur, quòd inchoatores spiritualis templi, in quo Spiritus sanctus debet habitare, debent esse firmi & idonei. Quæ idoneitas quatuor requirit: videlicet, ut sint in se bonæ vitæ; ad proximum bonæ famæ; in loco, quem reformat, stabiles; & contra aduersarios longanimes.

In se oportet ut sint boni & reformati: alioquin iis diceretur; Medice curate ipsum. Et malè alios lauat, qui sordes sordibus tergit. Et qui sibi nequam, cui bonus erit? Oportet etiam ut sint bonæ famæ: alias quamvis doleant de præteritis, tamen si in propinquo fuerint in grauibus peccatis, aduersarij contra tales faciliter insurgunt, præterita improperantes: simplices quoque saeculares inficiunt, dicentes, Ecce isti nostrum volunt tollere locum, qui tamen peiores nobis existunt, vel fuerunt. Debent ergo tales esse, ut cum Apostolo dicere possint illud

2. Cor. 2.14 2. ad Corinth. 2. Deo autem gratias, qui semper triumphat nos in Christo Iesu, & odorem noticie suæ manifestat per nos in omni loco: quia Christi bonus odor sumus Deo, in his qui salui fiunt, & in his qui pereunt.

Oportet prætereà ut sint in loco, quem reformare volūt, stabiles: alioquin cœptū opus deficeret, vel in tempore vite vergeret. *Quia nemo*

nemo, ut Veritas ait, mittens ad aratum manum, & respiciens retrò, aptus est regno Dei. Ita Christus respondit ei, qui ait: *Sequar te Luc. 9. 62.*
Domine, sed primum permitte mihi renuntiare his, qui domi sunt.

Oportet insuper ut contra aduersarios sint longanimes; quia in principio reformatio-
nis, propter rei recétiam, contra bonos mur-
murant: extra domum, sacerdtales ad iram;
intra domum, inflammantur inuoluntarij
fratres: à dextris tentantur ex hinc hi, qui
deberent esse cooperatores; & à sinistris à
pé turbat defectus, quoad diuitias vel res
temporales. Nec mirū, quia ita etiam olim *1. Esd. 3. 3.*
accidit Israëlitis, quando templum & al-
tare volebant reformare, quæ destructa erāt
in Ierusalem, ut habetur *1. Esdr. 3.* ubi con-
gregati sunt filii Israël de Babylonia venien-
tes in Ierusalem quasi vir vnum. Primò ædi-
ficauerunt altare Dei Israël, ut offerrent in
eo holocaustum secundùm legem: *Colloca-*
uerunt, inquit, altare super bases suas, deter-
rentibus eos per circuitum populis terrarum:
& obtulerunt super illud holocaustum Domi-
no, manè & vesperi. Deinde fundamentum
templi positum est cum eisdem terroribus,
ut ibidem habetur.